


六藝之一錄



欽定四庫全書

六藝之一錄卷四十八

錢唐倪濤撰

石刻文字二十四

太尉劉寬碑

公諱寬字文饒弘農華陰人也其先

闕二字

聖漢王侯繼次有國有號列存家序公之考乃佗司徒  
輔毗安順勳載二葉公託受純和之氣日有樂道寧儉  
之性疾雕飾尚樸素輕榮利重謙讓多與同好鑄墳典

於第廬是日相經緯綜精微誨童冠而不倦仙浮雲之  
志三公莫能致之大將軍呂禮脅命舉高第拜侍御史  
遷梁令蜚口康踰產豹喪舊君呂棄官遵洙泗之業有  
悔仕思初之計三府竝招博士徵皆辭疾不就司隸口  
茂材大尉舉有道公車徵拜議郎司徒長史入登侍中  
宣美顧問延熹八平地震有詔詢異公呂演茵沉漸對  
當帝心轉拜尚書齊密機喉忝命惟允遷東海相呂德  
興化澤臻民物復遷南陽大守壹行質省簡易之教推



貞諒呂示下顯衆善呂厲否惻隱之誠通乎神人故能  
去鞭拊如獲其情弗用荆如弭其姦帝初即位開學稽  
古訓咨儒林僉曰公優徵拜大中大夫納用勸講復拜  
侍中毛騎校尉宗正光祿勳遂授大尉悉謨百揆四門  
之職懷夫三事和昭鼎寶功成則還固疾遜位拜光祿  
大夫遷衛尉復作大尉每執盥桓成則三讓呂交會口  
精引咎折躬朝克忠謹思其良猶即名里巷拜永樂少  
府光祿勳先是時也狂寇張角日日媛送公印觀見像

上遏其源未還誅討亂作不旋帝乃追寶先謀錫之土  
田封遠鄉侯食邑六百戶年六十有中平二年二月  
丁卯薨

天子聞悼惻怛內發手筆爲蕭口涕咨嗟使右中郎將  
張良持節臨弔贈車騎將軍印綬位特進賜瑤贈襚有  
加典禮復使五官中郎將何夔持節諡曰昭烈侯夏四  
月庚戌葬公卿百寮縉紳之徒其會如雲可謂其存也  
榮其亡也哀者焉於是故吏李謙等有感歿魯述德之

頌呂爲洪麟休莆宜著霖窮故雜論攸行紀其大略鐫  
石立碑其辭曰

於穆顯融惟予公侯續我前烈克明厥絲絜精恬默潛  
庸庇昭德呂莅政俾民是口其樂伊何匪誘匪威允奉  
禮讓實化玄爲入口誨保訓導萬機佗鎮上司御勸不  
迷溫溫其恭口尹寔桓秩秩其芑羣儒寔師弈弈其容  
隅商口口刊眴萬祀孰嗣厥徽

右漢故太尉車騎將軍特進遠鄉昭烈侯劉公之碑

篆額有陰劉公名寬其父崎為順帝司徒寬事靈帝  
兩為太尉通四載以中平二年卒故吏李謙等立此碑  
又有門生一碑皆在洛陽上東門外兩碑遣文頗相  
犯字畫又不相遠所叙歷官行事多與本傳合其不  
同者碑云延熹八年地震有詔詢異自侍中轉拜尚  
書遷東海相南陽太守後碑亦同傳則云為司徒長  
史京師地震特見詢問再遷出為東海相延熹八年  
召拜尚書令遷南陽守碑以對地震拜尚書在八年



傳則以問地震相東海在前而八年所拜乃尚書令  
安帝紀延熹八年九月丁未京師地震傳之誤也寬  
之初罷相傳云以日食策免此云固疾遜位後碑云  
寢疾遜位蓋東都雖以災異去三公亦示體貌使之  
稱疾也及再罷相傳云以日變免兩碑至此俱有闕  
文此云引咎折躬後碑云獨引其咎文婉而事章是  
皆不復飾詞以誣天下後世也

隸釋

漢太尉劉寬碑漢書有傳其官闕始卒與碑多同而

傳載遷官次序頗略蓋史之所記善惡大事官次雖小畧不足為失惟其繆誤與闕其大節不可不正碑云大將軍以禮脅命拜侍御史遷梁令三府並用博士徵皆不就司隸校尉舉其有道公車徵拜議郎司徒長史而傳但云大將軍辟五遷司徒長史今據碑止四遷爾博士未嘗拜也碑於長史下遂云入登侍中延熹八年地震有詔詢異而拜尚書遷南陽太守拜太中大夫復拜侍中屯騎校尉宗正光祿勳遂授

太尉傳至中大夫始云遷侍中其前自長史入登侍  
中史闕書也碑又云固疾遜位拜光祿大夫遷衛尉  
復作太尉而傳云以日食免拜衛尉以日食免當從  
傳為正而不書光祿大夫史闕也其餘皆同故不復

錄

集古錄

右太尉劉寬碑寬有兩碑皆在洛陽上東門外官道  
傍此碑據藝文類聚乃栢麟撰後碑不知何人所為

然字體則同也

金石錄

君諱寬字文饒弘農華陰人也中平二年二月丁卯薨

夏四月庚戌葬故吏李謙等所立碑

復齋碑錄

漢隸不著書撰人名氏寬字文饒弘農華陰人靈帝時官至太尉封逮鄉侯諡曰昭烈此碑故吏李謙等

所立

集古錄目

跋漢太尉劉文饒碑後云漢太尉劉文饒碑二故吏李謙等立一門人商苞等立一在今西都上東門外官道之北洛陽尉射圃中近世好事者亭以覆之目



其亭為寶刻蓋以是碑為蔡中郎書故名焉二碑陰  
各有題名唐湖城公劉爽修碑記亦存焉予官洛五  
年每過上東必褻徊碑下想文饒之高風玩中郎之  
妙楷與歐陽信本之觀索靖書碑坐卧不能去何以  
異云因令工椎拓二碑及碑陰文裝為三帙而時觀

之

東觀  
餘論

漢太尉劉寬碑二在河南府上東門弓手營內門生

故吏各一并碑陰

天下  
碑錄

劉寬字文饒弘農華陰人中平二年二月薨四月葬  
故吏李謙等立碑據藝文類聚云巨麟撰碑在西京  
洛陽縣東觀餘論云在上東門外官道北洛陽尉射

圃中寶刻亭內蔡邕書

漢隸  
字原

河南府城北北邙山

古今  
碑刻

劉寬碑陰

後漢太尉劉寬碑陰題名寬碑有二其故吏門生各  
立其一也此題名在故吏所立之碑陰其別立於後

者在寬子松之碑陰也寬以漢中平二年卒至唐咸亨元年其裔孫湖城公爽以碑歲久皆仆於野為再立之并記其世序嗚呼前世士大夫世家著之譜牒故自中平至咸亨四百餘年而爽能知其世以如此之詳也蓋自黃帝以來子孫分國受姓歷堯舜三代數千歲間詩書所記皆有次序豈非譜繫源流傳之百世而不絕與此古人所以為重也不然則士生於世皆莫自知其所出而昧其世德遠近其所以異於

禽獸者僅能識其祖父爾其可忽哉唐世譜牒充備  
士大夫務以世家相高至其弊也或陷輕薄婚姻附  
托邀求貨賂君子患之然而士子脩飭喜自樹立兢  
兢惟恐墜其世業亦以有譜牒而能知其世也今之  
譜學亡矣雖名臣巨族未嘗有家譜者然而俗習苟  
簡廢失者非一豈止家譜而已哉

集古錄

右隸書故相國別部司馬王曜等數百人皆有所出  
錢數劉寬故吏共為寬立碑因記於碑陰唐咸亨元



年寬十五世孫湖城公爽重立此碑又為記刻於後  
不著書人名氏又寬子松碑陰題名漫滅不見者今

過半矣

集古錄目

太尉劉寬二碑中平二年門生故吏各一碑并碑陰

姓名西京

金石略

劉寬後碑

上關四字文饒弘農華陰人也廢祖出自

關

臣王侯相繼遭漢中微共其爵土自

關

世祖復昨仍有顯位光輔王室公之考作司徒于安

闕

勲績昭乎前朝公吕嵩高之門好謙儉之操备衣

糲食涉履寒苦周覽五經汜薦尚書

闕

微潜隱講

誨世之榮利不滑其守州郡禮招王公竝辟皆不詘志

大將軍辟舉高第拜

闕

遷

闕

梁令喪舊君去官博

士徵三府辟皆又不到司繇校尉察茂林大尉

闕

有道徵

闕

長史侍中延熹八年地震為異聖

朝咨問公吕對蒲嘉黨克馱帝心引拜尚書出

闕

謚闕雖龍左納言山甫喉舌霖呂尚焉遷東海相

南陽大守公之闕性也采而能闕弘裕凱弟

霖競伊人及其涖官統政推是心也呂御萬事故闕民

見德義而興行闕讓而不爭政不肅而威宣

教不舒而德洽帝將入學選定講闕舉公宜叅誨

闕拜大中大夫勸講于華光之內遷侍中七

騎校尉宗正光祿勳大尉股肱元首宣闕臣工允

勅帝載粵熹寢疾遜位復拜光祿大夫衛尉大尉闕

交會獨引其咎

闕

拜永樂少府光祿勳先是

時妓氏張角造為耶孽送節有萌公

闕

聞罪誅

未

闕

用首謀先覩封遠鄉侯食邑六百戶春秋

六十有六呂中平

闕

年

闕

月丁卯薨

闕

張

良錫菌嘆悼贈呂車騎將軍印綬位特進贈襪瑤欵

闕

備

闕

禮有加復遣五

闕

曰昭烈侯詔菌

休命宜宣霖鼎庸器銘勒若古有訓門生郭異等

闕

公

永慕

闕

紼霖呂慰懷洵涕述高迺共



判石建碑式序鴻烈其辭曰

闕

祗慕祖武允迪平道厥平如何耽

此箕謨用

闕

聖主納諸軌度統

闕

三事

闕

行雨希海隅緝熙群生賴祚降命平融民闕悠

慕生榮亾哀廢聲載路門生穎川段苞京地

闕

河內

李照等共所興立

右劉寬後碑亦有陰門生商苞等所立比前碑字頗

淪碎寬之考在安帝時為九卿本紀云永建四年十

二月宗正劉崎為司徒陽嘉三年十一月免傳云順  
帝時為司徒是也前碑云公之考乃作司徒輔毗安  
順勲載二葉以其為卿相於兩朝故云輔毗安順勲  
載二葉可也此碑雖文有剝缺然其文云公之考作  
司徒于安則司徒不可作絕句謂作司徒于安不可  
也但碑無全文難以深摘其失

釋隸

右漢太尉車騎將軍特進尋鄉昭烈侯劉公碑公諱  
寬有兩碑皆在洛陽余家集錄皆得之其一故吏李

謙所立而此碑門生殷苞等所立其所書與李謙等  
所載不異惟漢隸難得當錄漢公卿故吏門生各自  
立碑以伸感慕惟見於此今人家碑碣非其子孫則  
他人不為立也

集古錄

碑存西京與前碑文亦相犯門生商苞作

漢隸  
字原

### 劉寬後碑陰

右劉寬碑陰寬兩碑皆有陰此後碑陰也唐咸亨中  
碑仆于野其裔孫周王記室參軍爽字元爽重為建

立寬以中平二年卒據靈帝紀以光和七年十二月  
改元中平以歷推之是歲甲子至明年當為乙丑而  
爽書為甲子誤矣

金石錄

寬兩碑皆有陰唐咸亨中碑仆于野其裔孫周王記  
室參軍爽字元爽重為建立此碑陰

闕

二十七人

三河九十一人與其後八郡皆無爵秩者三輔六十  
五人磨滅之字什五六五郡國百餘人可辨纔什二  
三劉公兩碑俱有陰此則門生所刻之陰也其字畫

剛勁法度森嚴與石經公羊詩書相軋續

漢太尉劉寬神道二

其一曰漢太尉劉寬字文饒其一曰漢太尉特進車  
騎將軍特進昭烈侯劉公神道各有一螭盤屈乎其  
上而下作獸面如彝鼎間饗饗之家當是雙闕所刻  
字法與正碑相類圖畫則微拙不及王稚子沈新豐  
之精也

小黃門譙敏碑

君諱敏字漢達鄴君之中子章君之弟郎中君之昆也  
其先故國師譙贛深明箕奧識錄圖緯能精微天意傳  
道與京君明君承厥後不忝其美多而好學才畧聰馥  
詩書是綜言合雅謨慮中聖權既休在公忠允篤誠臣  
直佐主帥下惟約肅將禾命振之亏外羣察有司各敬  
爾儀君商時度世引已倍權守靜徹冗韜光韞玉旨遠  
悔咎耻與鄰人靡竝拾驅識真之本謂君爲詰在管寧  
武當亨南山難老之禱昊天不惠降茲殍疾年五十有



七月中平二年三月九日戊寅卒嗚嗙哀我國喪良佐  
家隕棟梁遐邇咨悼木女良懷寮朋親感莫不失聲泣  
涕雙流於是立表寫憤斯銘傳于罔極其辭曰

於穆使君盛德昭明爰惟麟業帥由奮章文武彬彬柔  
而能剛屈道從政令名顯揚臣多醜直是用遜讓且呂  
毓姿優遊日京昌僖道罹景命不長屋棟頽覆君日喪  
亾如何如何吁嗟昊蒼身邊名存永世遺芳中平四年  
七月廿八日癸卯造

右漢故小黃門譙君之碑篆額在冀州譙君名敏靈  
帝中平二年卒又二年立此碑歐陽公云其文不甚  
磨滅而予之所得惟三字不能辨碑中並無爵秩所  
謂鄰君章君郎中君又不類宦者官稱非題額則不  
知敏之為黃門也其文盛稱敏倍權守靜韜光韞玉  
雖銘墓之言不可盡信方中官用事之際敏不附麗  
同類年垂耳順而官簿不進恐是特然不羣者又云  
耻與鄰人羸竝拾驅說文羸音剗羊相厠也一云傍

入曰彘拾音洽劔押也此句盖是不與羣閹冠劍並  
驅之意漢人書姓雖亦借用如橋喬伍五之類甚多  
此碑以焦贛為譙所謂京君明即京房也左傳楚師  
伐陳取焦夷注謂焦今譙縣若是則焦譙可以通用  
漢碑多借意作億此云曷億遇罹却是借億作意也

釋隸

亨讀曰享

上全

右漢小黃門譙君碑云君諱敬字漢達年五十七中

平二年卒其文不甚磨滅而官闕無所稱述惟云肅  
 將王命守靜韜光以遠悔咎而已後漢宦者用事靈  
 帝時尤甚敏卒之歲張讓等十二人封侯於斯之時  
 能守靜遠悔是亦可嘉然敏以一小黃門而立碑稱  
 頌於此可見宦官之盛也

錄集古

右隸書不著書撰人名氏君名敏字漢達碑以中平

四年立

錄集古

小黃門譙君碑中平四年七月立

錄金石

蔡邕文冀州金石略

小黃門譙敏碑中平四年立在冀州東觀餘論云何

籀以為蔡中郎書在棗強縣北十七里

漢隸字原

此碑稱敏之先譙贛能精微天意傳道於京君明即

漢書稱京房治易事梁人焦延壽字贛者也而碑乃

云譙其氏姓不同如此豈聲文相近承傳之譌歟抑

作碑者妄引以為譙君之先歟然二漢相距非甚遠

為金石刻不應舛午是知冊牘所傳其失多矣左氏

僖公二十三年秋楚成得臣帥師伐陳討其貳於宋也遂取焦夷城頓而還杜預謂焦今譙縣也據此說則焦譙亦通音也近世有信安何籀者以隸書知名目是碑為蔡中郎書未知何據自謂學此法清勁有古意與梁孟皇行筆正相反予謂漢世隸法至魏大變不必梁蔡執自爾也此碑意象古雅在樊常侍蔡藁長二碑上借非中郎自可師法

東觀  
餘論

此碑漢靈帝中平四年立小黃門在漢秩六百石永



叔疑其刻碑已甚余考其時孫程以侍御史持節監  
護喪事乘輿幸北部尉瞻望車騎單超賜東園秘器  
棺中玉具發五營騎士將作起冢營侯覽豫作壽冢  
石棺雙闕高廉百尺其制如此則敏為大碑深鑿屬  
文見之何足稱異哉其書曰守靜韜光以遠悔咎敏  
之能與不能未可以此得之然當時以此銘之豈亦  
慎時之失不得顯言亦於此稍見其有費於斯者耶  
方其時如呂強忠直且不免死既死收捕宗親知當

時蓋亦有人矣為忠直而受禍其得盡行其志哉余  
讀其書而傷焉不自意當靈帝世而沈沒宦豎中能  
自拔起於污濁此可貴也同時有北海趙祐以博學  
稱甘陵吳伉善風角託病不與事濟陰于肅下邳徐  
衍南陽郭耽稱為清忠不爭威權又有李巡與諸儒  
五經文於石此其尤異者然其可謂宦者遂無其人  
耶若敏於是余知其上不得如巡強輩以取名自顯  
然下亦不若忠讓之徒剝喪王室其不得書於史宜

也廣川書跋

尉氏令鄭君碑

右尉氏令鄭君碑云君字季宣聘君之孫而其名已殘缺其他字畫時有可識處皆斷續不成文理略可見者年五十有七卒於中平二年而碑陰題尉氏故

吏處士人名知其為尉氏令爾金石錄

中平三年立有碑陰未詳金石略

中平三年立名已殘缺季宣字耳漢隸字原

八分書中平二年今在濟寧州儒學祇存數字碑陰

列故吏處士人名尚完金石文  
字記

碑陰

鄭季宣碑陰橫刻篆八字於其上曰尉氏處士故吏

人名漢隸  
字原

趙相劉衡碑

君諱衡字元宰濟南東平陵人也厥先尚矣聖漢龍興

下闕王爰啓奠土遷于岱陰自康侯以來奕世承君

肩下闕頌之純下闕丁炎下闕之運時放依下闕相王下闕

其栗孚藻發於成就慕周行而彌長不下闕竝之下闕

蹈下闕之則不下闕師訓之范而踐四教人道所謂義方

下闕所謂言忠信不師而自下闕者也是下闕雄雉協服莫

不歸稱仕下闕侯下闕于下闕勃海王帝之冢第不遵

憲典君以特選為郎中令彈枉下闕慝臣弼下闕以下闕兄

琅琊相亡即日輕舉州察茂材下闕除舊令遷張掖屬國

都尉以病徵拜議郎下闕遼東屬國都尉不下闕拜趙相在

位三 下闕 左疚 下闕 行 下闕 拜議郎 下闕 連徵不就君之

始事為吏師仍綏京 下闕 興惠訓 下闕 陟功西尉渠搜

荒服來王後遷于趙叙民種德威懷 下闕 立 下闕 清 下闕 匡

下闕 直 下闕 俗惡容悅之密 闕 承 闕 靈 下闕 宜錫

闕 福三壽化朋旻穹不弔 下闕 疾年五十有三以中

平四 闕 二月戊午碎其四月己酉葬梁木圯墜閔嗣多

孤 下闕 所自律 闕 桀勒 下闕 詒聲伐于後昆其辭

曰



於穆我君邦家之闕正已帥義求福不回闕言以道遠

闕先幾下闕有疾百侯僉咨舍德何取將闕名闕如何

弗下闕云亡天方下闕靡下闕肯降下闕歿而名垂善下闕令

終休烈孔下闕永下闕風爰勒金石千載遺芳

右趙相劉君碑在齊州歷城縣劉君名衡字元宰為

渤海王郎中令察茂材除循令歷張掖屬國都尉議

郎遼東屬國都尉趙相再為議郎以靈帝中平四年

卒碑云渤海王帝之冢弟不遵憲典君以特選為郎

中令渤海王名悝威宗之母弟也靈帝紀熹平元年  
書渤海王被誣謀反自殺曹節傳云節與王甫逐捕  
朱雀闕誹書人不獲誣奏渤海王誅之宋后傳載靈  
帝夢威宗曰悝已自貶又受誅斃今訢於天上帝震  
怒帝以問許永對曰渤海處國奉藩未嘗有過曾不  
證審遂伏其辜如史所載則渤海死非其罪似作碑  
者附會時論辭有溢惡然威宗紀延熹八年書敕海  
王謀反降為瘞陶王後二年復舊則渤海亦非身端

行治者屢陶既已覆車不能率德遷善遂罹孥戮之禍哀哉孝靈之夢則齊諧家所志也

隸釋

碑以范為範粹即卒字彘即刊字

全上

右趙相劉衡碑云君諱衡字元宰濟南東平陵人也厥先尚矣聖漢龍興其下殘缺又云爰啓冀土遷于岱陰自康侯以來奕世丕承又云教海王帝之冢弟不遵憲典君以特選為郎中令以兄琅琊相憂即日輕舉州察茂才除菑令遷張掖屬國都尉以病徵拜

議郎遷東東上闕一字屬國都尉不行拜趙相在位三歲

拜議郎年五十有三以中平四年二月戊午卒其四

月己酉葬其餘文字完好者尚多按後漢書敕海王

名悝桓帝弟也衡墓與碑在今齊州歷城縣界中古

平陵城傍余嘗親至墓下觀此碑因模得之墓前有

石獸制作甚工云金石錄

中平四年立在齊州歷城縣漢隸字原

陳度碑

右陳君碑文字殘缺不完其略可識者云君諱度字  
妙高陳國相人又云武王克商封先代之後以元女  
大姬配胡公至厲公生公子完奔齊其後斷續不復  
成文而最後題中平四年九月廿一日巳丑立云

金石

錄

君名度字妙高陳國柘人靈帝中平二年卒又二年  
立碑此刻大半紊碎所存近二百字少成句讀其中  
並無官稱郡國志云陳國有柘縣苦縣沛國有相縣

若在春秋時曰相趙氏認柘作相誤也續

### 陳仲弓碑

右陳仲弓碑其額題云漢文範先生陳仲弓之碑碑文已漫滅蔡邕字畫見於今者絕少故雖漫滅之餘尤為可惜以校集本不同者已數字惜其不完也按邕集仲弓三碑皆邕撰其一碑云中平三年秋八月丙子卒三碑皆云春秋八十有三後漢書仲弓傳以為中平四年年八十四卒于家者疑傳誤

金石錄



漢文範先生陳仲弓之銘篆額兩行額下有穿穿下  
數行僅存最上一字獨醇字瞭然可識前一行者其  
右從月又前一行彷彿是君字蔡中郎為仲弓作三  
碑其第二碑有光含醇德之句前有徵士陳君但相  
去差遠中間無從月者疑此非中郎所作趙氏有仲  
弓殘碑以校集本凡改定數字豈即此碑乎

續隸

### 陳仲弓碑陰

右陳仲弓碑陰故吏姓名多已剝缺蔡邕小字八分

惟此與石經遺字爾石經字畫謹嚴而此碑尤放逸

可愛

金石錄

司空掾陳君碑

右漢司空掾陳君碑額碑已殘缺不可辨惟其首八大字尚完字畫奇偉在潁川陳太邱墓側按後漢書太邱傳載二子紀諶紀為大鴻臚諶不著其為何官唯劉孝標注世說引海內先賢傳曰諶字季方寔少子也司空掾公車徵不就蚤卒然則斯碑豈非陳諶

碑乎金石錄

漢故司空掾陳寔碑篆額蔡中郎所作第三碑也此碑僅有前七十字下文盡皆不存中郎作太邱第一碑云春秋八十三中平三年卒漢史誤作四年此碑作五年者乃豫牧立碑之年也趙氏跋云文已殘缺不可辨惟八篆額字畫奇偉引世說注太邱次子諶嘗以司空掾召謂此是陳諶之碑殊不知碑中自有太邱姓名其文又在蔡邕集蓋不能認碑故有此誤

續隸

陳仲弓壇碑

君諱寔字仲躬

二字

之禮樂番番良

關

既光既耀

關立

於朝行成

關七

竝荷從司徒掾

關九

教宣流

關六

儀魏

魏大清唯玄

關

之明明

關十

著望色

關

飛勛克戰

關四

字翼

關十

險而不

關三

食

關

魚

關五

其君

關六

志老

關四

字 毫矣梁頓山

關三

貽

關九

賢叅之方

關二

仁學

關宗

道

關二

百辟

關四

臣吏民

關三

懷惟

關三

相與

關二

碑

關二  
字 勒壇  
關五  
字 靈我  
關二  
字 昭  
下關

右陳仲弓壇碑其額題故太邱長潁川陳君壇其他  
文字磨滅不可盡識按蔡仲集有仲弓三碑以集本  
校之此碑非邕撰者然字畫亦奇偉惜其殘缺不完  
也  
金石錄

右故太邱長潁川陳君壇碑潁之下關二字陳君名  
寔以靈帝中平三年卒本傳云潁川許人郡國志注  
獻帝徙都許改曰許昌此額所闕者潁之下是川又

一字當是許也額之題郡邑猶劉曜東平無鹽之比其云壇者蓋指廟中之壇段光為孫叔敖作碑立廟其文云興祀立壇是也此碑在亳州永城縣即古之太邱也傳云以沛相賦歛違法乃解印綬去吏人追思之碑中有色飛之句而飛之上下闕字蓋用色斯舉矣之意乃載其去邑事也蔡中郎凡作陳君三碑其第一碑云許令以下至于國人立廟舊邑四時烝嘗歡哀承祀如其祖禰先生存享重稱亡歆血食脩



行於已得斯於人固上世之所罕有前哲之所不過也所謂立廟舊邑則知太邱有此碑勒其文皆已亡缺無可讀者惟其首云君諱寔字仲躬尚存諸書皆字陳君曰仲弓獨此碑不同殆是借用

隸釋

太邱長陳寔壇碑在亳州永城縣即古之太邱碑石殘闕止存八九十字無年月金石錄云非蔡邕書而

字亦奇偉

漢隸字原

郟陽令曹全碑

君諱全字景完敦煌效殺人其先蓋周之胄武王秉  
乾之機剪伐殷商既定爾勲福祿攸同封弟叔振鐸於  
曹國因氏焉秦漢之際曹參夾輔王室世宗廓土斥竟  
子孫遷於雍州之郊分止右扶風或在安定或處武都  
或家隴西或居敦煌枝分葉布所在為雄君高祖父敏  
舉孝廉武威長史巴郡胸忍令張掖居延都尉曾祖父  
述孝廉謁者金城長史夏陽令蜀郡西部都尉祖父鳳  
孝廉張掖屬國都尉丞右扶風隃糜侯相金城西部都

尉北地太守父琫少貫名州郡不幸早世是以位不副  
德君童齠好學甄極志緯無文不綜賢孝之性根生於  
心收養季祖母供事繼母先意承志存亡之敬禮無遺  
闕是以鄉人為之諺曰重親致歡曹景完易世載德不  
墮其名及其從政清擬夷齊直慕史魚歷郡右職上計  
掾史仍辟涼州常為治中別駕紀綱萬里朱紫不謬出  
典諸郡彈枉糾邪貪暴洗心同僚服德遠近憚威建寧  
二年舉孝廉除郎中拜西域戊部司馬時䟽勒國王和

德弑父篡位不供職貢君興師征討有吮膿之仁分醪之惠攻城野戰謀若涌泉威牟諸賁和德面縛歸死還師振旅諸國禮遺且二百萬悉以薄官遷右扶風槐里令遭同產弟憂棄官續遇禁罔潛隱家巷七年光和六年復舉孝廉七年三月除郎中拜酒泉祿福長詆賊張角起兵幽冀兗豫荆揚同時並動而縣民郭嘉等復造逆亂燔燒城市萬民騷擾人裹不安三郡告急羽檄仍至于時聖主諮諏羣僚咸曰君哉轉拜郃陽令收合餘

燼艾夷殘迸絕其本根遴訪故老商量僇艾王啟王畢  
等恤民之要存慰高年撫育鰥寡以家錢糴米粟賜瘡

旨大女桃斐

音肥又音非與妃同

等合七首藥神明膏親至離亭

部吏王宰程橫等賦與有疾者咸蒙瘳快惠政之流甚  
于置郵百姓襁負反者如雲戢治廡屋市肆列陳風雨  
時節歲獲豐年農夫織婦百工戴恩縣前以河平元年  
遭白茅谷水灾害退于戊亥之間興造城廓是後舊姓  
及脩身之士官位不登君乃閔縉紳之徒不濟開南寺

門承望華嶽鄉明而治庶使李儒樂規程寅等學者各  
獲人爵之報廓廣聽事官舍廷曾廊閣升降揖讓朝覲  
之階費不出民役不干時門下掾王敞錄事掾王畢主  
簿王歷戶曹掾秦尚功曹史王頴等嘉慕奚斯考甫之  
美乃共刊石紀功其辭曰

懿明后德義章貢王連征鬼方威布列安殊方還師旅臨  
槐里感孔懷赴喪紀嗟逆賊燔城市特受命理殘圮芟  
不臣寧黔首繕官寺開南門闕差莪望華山鄉明治



惠沾渥吏樂政民給足君高升極鼎足

中平二年十月丙辰造

求古錄

萬厯初邵陽縣舊城掘得此碑中平二年造內稱  
全為戊部司馬征疏勒王和德攻城野戰謀若湧泉  
威牟諸賁和德面縛歸死還師振旅諸國禮遺且二  
百萬悉以簿官按西域傳和德射殺其王自立涼州  
刺史孟佗遣從事任涉將燉煌兵五百人與戊巳司馬  
曹寬西域長史張宴將諸國兵合三萬人討疏勒攻

楨中城四十餘日不能下引去二說不合且司馬為曹寬非曹全豈即其人范史傳寫誤耶即紀功者張大其詞而面縛歸死似非虛飾抑又何也碑又稱光初七年史光初六年蓋七年冬十一月始改元中平耳碑文隸書道古不減卒史韓勅等碑且完好無一字缺壞真可寶也會曾與友人論及古碑友人曰吾輩幸生此時猶得見漢晉人書恐後世無復存者余曰神物顯晦有時寧無沉埋以待後死者如曹全

碑歐陽公趙明誠都立敬楊用脩諸公豈得見哉相

眠一咲

石墨  
鐫華

此碑曹景完全為邵陽令門下掾王敞諸人於中平  
二年刊石紀功立也據史建寧元年䟽勒王于獵中  
為其季父和德所殺自立為王三年涼州刺史孟陀  
遣從事任涉將燉煌兵與戊巳司馬曹寬西域長史  
張晏將馬龜茲車師前後部合三萬餘人討䟽勒攻  
楨中城四十餘日不能下引去碑謂䟽勒國王弑君

篡位又稱全以西域戊部司馬討疏勒攻城野戰謀  
若湧泉威年諸賁和德面縛歸死皆與史異然和德  
既弑居篡位碑不當稱王史謂曹寬當以碑為正史  
止光和六年碑稱七年三月者蓋其年十一月始改  
元中平紀元以年紀事以月無足異者碑萬厯間始  
出于邵陽此方出最初搨也止一因字半闕其餘鋒  
鏗銛利不損絲髮因見漢人不獨攻玉之妙渾然天  
成琢字亦毫無刀痕以余生平所見漢隸當以孔廟

禮器碑為第一神奇渾樸譬之詩則西京此則豐贍  
高華建安諸子比之書禮器則李直表此則蘭亭叙  
自髡聖一評謂鍾古而不今長而踰制心慕手追惟  
逸少一人王遂踞鍾上余目不識書自謂頗窺漢人  
三昧弇州識洞千古以方整瘦勁寡情為漢法是柳  
誠懸革可盡晉法也碑陰自伯祺止孝才五十二人  
外五人名字不備當是書石闕略非剝蝕也書法簡  
質草草不經意又別為一體益知漢人結體命意錯

綜變化不衫不履非後人可及

金石史

邵陽令曹全碑并陰八分書中平二年十月今在邵

陽縣此碑萬歷中搃地得之文字最為完好此洪氏

所未見

金石文字記

曹全碑陰共五十六人

漢碑目

漢蕩陰令張君碑

君諱遷字公方陳留己吾人也君之先出自有周周宣

王中興有張仲以孝友為行披覽詩雅煥如其祖高帝



龍興有張良善用蕭何在帷幕之內決勝負千里之外  
析珪於留文景之間有張釋之建忠弼之謨帝遊上林  
問禽狩所有苑令不對更問嗇夫嗇夫事對於是進嗇  
夫為令令退為嗇夫釋之議為不可苑令有公卿之才  
嗇夫喋喋小吏非社稷之重上從言孝武時有張騫廣  
通風俗開口畿寓南苞八蠻西羈六戎北震五狄東勒  
九夷荒遠既殞各貢所有張是輔漢世載其德爰既且  
於君蓋其纏縵績戎鴻緒牧守相係不殞高問孝弟於

家中謇於朝治京氏易聰麗權略藝於從畋少為郡吏  
隱練職位常在股肱數為從事聲無細聞徵拜口中除  
穀城長蟄月之務不閉四門膺正之際休囚歸賀八月  
英民不煩於鄉隨就虛落存恤高年路無拾遺黎種宿  
野黃巾初起燒平口市斯縣獨全子賤孔蔑口口道區  
別尚書五教君崇其寬詩云愷悌君隆其恩東里潤色  
君垂其仁召伯分陝君懿于棠晉陽珮璣西門帶弦君  
之體素能雙其勛流化口基遷蕩陰令吏民頡頏隨送

如雲周公東征西人怨思奚斯讚魯考父頌殷前詰遺  
芳有功不書後無述焉於是刊石整表銘勒萬載三代  
以來雖遠猶近詩曰舊國其命惟新

於穆我君既敦既純雪白之性孝友之仁紀行來本蘭  
生有芬克岐有兆綏御有助利器不覲魚不出淵國之  
良榦垂愛在民敬芾棠樹温温恭人乾道不繆唯淑是  
親既多受祉永享南山千祿無疆子子孫孫

惟中平三年歲在攝提二月震節紀日上旬陽氣厥枿

感思舊君故吏韋萌等僉然同聲賃師孫興刊石立表以示後昆共享天祚億載萬年

右漢蕩陰令張君碑碑云君陳留已吾人治京氏易少為縣吏徵拜郎中除穀城長遷蕩陰令後云中平二年二月故吏韋萌等刊石立表蓋其去思碑也字特完好可讀漢碑中之不易得者攷之東漢地理志蕩陰屬河內郡即今彰德府之湯陰縣已吾屬陳留

郡即今開封府之夏邑縣

金薤琳瑯

此碑予官京師時嘗於景太史伯時處見舊搨本不  
及錄今得之友人文徵仲按隸釋云東漢及魏其碑  
到今不毀者十才一二凡歐趙錄中所無者世不復  
有予生去宋數百年而此本兩見歐趙錄中蓋未嘗  
載隸釋并隸續亦無其文通志金石略所載碑目雖  
多然亦未之及乃知昔人之言未必可信而舊物之  
在天壤間者固不可盡謂之無也

全上

君諱遷陳留已吾人蓋既卒而其門生故吏刻石記

之者也文辭翩翩有東京風獨叙事未甚詳覈耳至謂其先有曰良曰釋之曰騫者按良韓人釋之南陽堵陽人騫漢中人宗系絕不相及文人無實乃爾其書法不能工而典雅饒古意終非永嘉以後所可及

也

奔州山人藁

中平三年二月八分書今在東平州儒學其文有云荒遠既殞者賓之誤中霽於朝者忠之誤而又有云爰既且於君則暨之誤古字多通而賓旁加反已



為無理又何至以一字離為二字也歐陽趙洪三家  
皆無此碑山東通志云近掘地得之豈好事者得古  
本而摹刻之石遂訛謬至此耶

金石文  
字記

漢故穀城長蕩陰令張君壽頌篆額白字此碑近出

故洪氏諸君所闕

立牘  
記

六藝之一錄卷四十八

欽定四庫全書

六藝之一錄卷四十九

錢唐倪濤撰

石刻文字二十五

梁相孔耽神祠碑

君諱耽兄弟三人君竅長厥先出自殷烈毀家者質故  
君字伯本初魯遭亡新之際苗胄析離始定茲者巡封  
陽以來君少治禮經遭无二軼軻人民相會舞土弟茨  
躬菜淩瀉消形瘦臍呂養其親慈仁質桶精靜訴信天

授之性飛其學也治產小有追念祖母故舞魂構於是  
君乎竭凱風呂惆悵惟慕儀呂愴悵恃闔郭藏造化堂  
宰增土種柏孝心達竇平石上見龍蛇有頃覆亡放龍  
羅之雉救窮禽出厄小弟升高遊宏畜積道富財貧君  
引共居卅餘季雖昧舛如義合故天應厥證木生連理  
庖禮一焉下則商人上則洪茂馨卓流布縣請署主簿  
功曹府招稽議郡將烏程沈府君表病委職署君行事  
傲馭孰長印蔽揔領文書季踰皓昔縣車家巷黃髡亦

老背有胎表孫息教姚驩樂壽考觀金石之消知萬物  
有終始圖千載出洪慮定吉地於天府目覩五匠出所  
簡心欣悅於所處其內洞房四通外則長無功賦合出  
世萬呂光和五季歲在壬戌夏六月訖庖於此行夫君  
子欽美舍訝如頌曰

君之德兮性自然蹈仁義兮履卦純惻隱至兮神蛇存  
皇岳象兮木理連矜鳥獸兮放舍旃享散榮兮景躡宣  
達情性兮覩未然永億載兮傳功勳刊石祠兮示詰賢

日子得述父臣得錄君故紀焉時君季七十二自所立  
佗君子珮佗內至時已更郡諸曹史督郵承認紀行手  
自注石治師同縣朱適朱祖并佗畜郭

右漢故行梁相事碣孔君之神祠隸額靈帝光和五  
年立在亳城永城縣孔君名耽梁國故碣郡也郡將  
沈君表病委職故耽假穀孰長而行相事謂之碣孔  
君之神祠者其祠在碣也此碑筆法頗古怪其文又  
自左而右數行之後字畫頓小其末又有小字數十

叙孔君之年及其子歷官與石工姓名孔君有孝友  
之行致神蛇木連理之祥白首退休驩樂壽考其文  
云定吉兆於天府覩工匠之所營心欣悅於所處又  
有子得述父之句則是孔君自作壽藏而厥子刊石  
也吳雄置卒史碑有孔子十九世孫麟廉文學掾蘇  
師憲戶曹史覽又史晨碑有五官掾暢功曹史淮守  
廟百石讚副掾綱故尚書立又韓勅碑陰有從事樹  
太尉掾凱百石恢處士方朝巡汎儀甫此有耽颯凡



二十人孔氏譜皆不著以聖人之後見之碑刻尚如

此况它人乎

釋隸

碑中軼作輒邢作形飛作非散作紱胎作台卦作

朴慙作惻從字有作遜者此碑以從為巡盖省文

也寗即最字萊即采字宇字實即寘字廿音

入世音悉盍切卅音息入切漢碑俱用此數字上全

右碣孔君神祠其前題漢故行梁相事碣孔君之

神祠文詞字畫皆古怪而不工又時有難曉處刻畫

甚完孔君者名耽字伯本

金石錄

漢成陽令唐扶頌

君諱扶字正南潁川郟人也其先出自慶都臧赤胤生

堯王有天下大號爲唐治竣靡燾尊天重民禪位虞口

光後弟土通天三統苗胄校分相土昧居因氏唐爲累

取舍柱歿天之怙肩嗣彌光爲漢台輔君父孝廉卽中

早卒季父蜀郡蜀郡從弟會稽會稽從弟南陽君從兄

東萊大守南陽弟司空公在朝透隨正色竭忠爲國討

崇六侯俱封爰土骸爵金縉十三君繼厥緒少有岐嶷  
耽道好古敦書咏詩綜緯河雒底究羣典彜紐士進守  
舞陽丞弱冠守昆陽尉潁陽令隱練州郡所臨有迹

迹字

帝嘉其德特拜郎中察能治處除豫章鄖陽長夷粵拵搃  
坡強難化君奮威颺武視呂好惡蠻貉振疊稽潁陟服  
口上前逋十有餘萬盜賊哀息境界晏然三載有成州  
郡諍表遷成陽令承先聖之弘軌見讚像之高蹤遂興  
無爲之治優賢颺歷表藉絀惡遵九德呂綏民崇晏晏

之惠康胤移俗易莫不草心朝有公卓家有叅騫分邾  
之治優隆於君追惟克德廣被之恩依陵毫廟造立投  
堂四遠童冠樞衣受業著錄千人朝益莫習衍衍閭閻  
尼父授魯曷呂復加虛祖瑞應木連理生白兔紫鳩遊  
君園庭蕩蕩之治莫能名焉三司察功朝廷審真呂君  
威恩竝流文武兼興東萊海濱頌君呂寧詔書換君昌  
陽令吏民慕戀士女惟艱捺字君車輪不得行君臣流  
涕道路琅玕迫有詔命靡由復還於是故從事仲字仲

投張躬萬龍督却仲規郡掾閭葵闕仲瑄處士王□董

頌閭葵班等乃共刊石樹頌歌君之美其辭曰

赫赫唐君帝堯之苗氏族不一各任所安本同末異蓋

謂斯焉君體煥炳有芬有馨如山如域嵩如不傾如口

如海澹如不盈惟直如天矢秉銓據衡左朝肅肅閨門

靡靡廉如伯姪絮如珪璋賦政于外爰及鬼方匯夷來

降殺賊逆亡黎庶攸寧黔首觀康呂德綏撫宣恩六陽

呂仁恤弱呂義抑彊恩由春夏威如秋霜賞罰分闇白

黑著明憂者閔稚不侮寘於耽樂道述咀嚼七經五六  
六七訓導若神接下施與投財如捐吏服其德民歸其  
恩父父子子君君臣臣不師自舉不拘不煩囹圄空虛  
國無佞民德及草虫澤流無垠蝸飛蠕動咸賴我君顯  
顯令稱德音常存

光和六年二月壬午朔廿五日丙午處士閻葵班戀念  
唐君爲立碑 班字宣高脩春秋嚴氏大子讓公謙襲  
業次龔對謙治尚書歐陽次廉仲絜小夏侯耽經史考



履仁義內和陸兮外姦卦呂家財兮讚君號諸學口兮  
相埤助垂後效兮不之譽

右漢故成陽令唐書頌篆額在濮州雷澤縣有陰唐  
君名扶賴川人由舞陽丞昆陽尉賴陽令入拜郎中  
出為鄆陽長自成陽令換治昌陽邑人慕戀恩惠至  
於泣攀其車轍既行之後處士閻葵斑等共立此碑  
靈帝光和六年也首云承先聖之洪軌見讚像之高  
蹤又云造立授堂四遠童冠振衣受業著錄千人朝



蓋莫習衍衍閭閻尼父授魯曷以復加又云歡樂道  
術咀嚼七經五六六七訓導若神所叙講學之事其  
詳如此蓋溧陽潘君校官碑之類也授堂者講授之  
堂五六六七者用魯黜冠者童子之文也司空者名  
珍熹平二年自太常拜中常侍唐衡之弟也延熹中  
衡與宦官共誅梁冀受封世謂之五侯即討暴俱封  
事也匪夷者匪澤之盜也朝有公卓即孟公綽也家  
有叅騫以叅為參即曾閔也廉踰伯叔即夷齊也分

陝則反夾為邾此用字之異者又有題名云成陽令  
潁川潁陰高諱某成陽丞廣陽削史珍瑋寶蓋是刻  
於碑首之旁者

隸釋

拂搥音如布戶不順理也碑以諍為爭黎為黎述  
為術陸為睦埤為禪爰即受

上全

右漢唐君碑其名已磨滅其字正南云潁川鄆人也  
其先出自慶都感赤龍生堯王有天下苗胄枝分相  
土視居因氏唐焉君父孝廉郎中早卒君繼厥緒耽

道好古敦書味詩守舞陽丞潁陽令察能治劇遷豫  
章其後遂復磨滅雖文字班班可見而不能得其次  
序其後又云換君昌陽令吏民慕戀牽君車輪不得  
行君臣流涕道路琅玕是故從事郡掾刊石樹頌歌  
君之美據此蓋縣令去思碑爾其後又云光和六年  
二月壬午朔二十五日丙午則知唐君為後漢時人

矣

集古錄

右隸書不著書撰人名氏唐君名缺字正南潁川鄆

人歷潁陽令遷豫章最後徙昌陽令故從事等刊石立頌中間文字或完或缺不得其詳其後又題曰處士問

缺

一班戀念唐君為立碑表蓋去思碑也

光

六年立

集古錄目

右成陽令唐君頌云君諱扶字正南字畫尚完而歐陽公集古錄乃云其名殘缺何哉碑額題漢故成陽令唐君之頌在今濮州雷澤縣古成陽也

金石錄

光

和六年立在濮州雷澤碑首之傍又刻題名二十

餘字

漢隸  
字原

唐扶碑陰

右唐君碑陰載出錢造碑人有故從事故督郵故吏  
處士門生門童等姓名按唐書碑云處士閻葵斑等  
刻石樹頌而碑陰又有故吏閻葵已處士閻葵楚閻  
葵姓不見於前史而姓苑姓纂之類亦皆不載蓋前  
代氏族或因改易或寢微不顯遂泯沒而無傳者甚  
衆今世所有姓氏書類多簡略不完惟時時見于石

刻者余每記之以裨姓氏書之闕云

金石錄

巴郡大守都亭侯張府君功德叙

君諱納字子郎勃海南皮人也其先□□之胄立姓定  
氏應天文像炎漢龍興苗侯維幹枝裊滋布竝極爵秩  
君之曾祖暨其先考軌迹相繼俱□□□州追侔昔人  
丕顯其光鍾美積德寔乃毓君膺大睢之泚姿循烝烝  
之孝友綜覽責典靡古不通察孝廉除郎中尚書侍郎  
夙宵在公匪懈于職遷甘陵寔白令親病去官念□□

復義章海內辟司空司徒府厲□□引股桓弗就復辟  
大尉舉高第拜侍御史迪謨雍諧密靖王室揚州寂賊  
陸梁作難五府表君中丞督□□武汾沅所向禽殄日  
衣移晷收功獻捷省息錢嚴還充府帑朝以□□□□  
騷震剖符守任綏慰駭散□□畏者証克大勛丙子璽  
書封都亭侯姬公曲阜尚父營企周啓厥□□□□□  
自君到官也勤思乾乾□□暇愈菲身約儉埽時著麗  
清踰公儀絜如素絲珪甄秀異抽拔孤□□□□□以



內照外貪鬻草悔姦口口遯刑無斧鉞之周行無拘結  
 之人胸忍蠻夷滔天蠢動乘虛唐突口口口口忿口  
 斯怒爰整干戈虘口口耽搏則有獲羣醜惴怖絕迹幽  
 窳窳字鎮集乖離俾寧業宇邨澹凍餒口口口口口口  
 口賦出梁益頻年口口杼柚其空汧流轉漕敵瘼輸沮  
 戊申詔書騰前付奠道迥且艱潮口口口口口口上言  
 如舊常章雖得口口家衣行哨然愍悼民亦勞止繇是  
 辭疾闔閭委政中關穀慈養之口口口口口口之怨

故太尉掾王□□□府丞李元掾史張勤黎景馮經趙  
中母俊蒲勝猶潭等庶慕奚斯□□之義共論叙紀著  
休烈刊□□頌其辭曰

□□□□薦生戎君姿兼申甫麟豔□□帥典稽古正  
始順元允恭肅恪唯禮是遵乃訓五品敷教左寬舍□  
□□□□乾化其潤如雨其主□□既脩沮桓導我以文  
且徽暴寇建此武勛四竟宥謚羣庶艾安垂謨□□□  
德慕思昔在邵伯今也復□□□穆矣卓爾超倫巧骨

令問光乎憲年

右巴郡太守都亭侯張府君功德叙靈帝中平五年  
立今在巴州張君名納勃海人碑云立姓定氏應天  
文像蓋謂二十八舍有張宿其不經與柳敏碑同張  
君為郎中尚書侍郎甘陵寃句令侍御史揚州賊作  
以中丞督捕封都亭侯碑有殘缺不見守巴郡事蓋  
在胸忍蠻夷蠢動之下此碑乃掾屬李元等為之碑  
陰各書曹掾之職而不稱故吏則是張君在郡之日

所立

隸釋

碑以汾沄為紛紜以澹為贍以哨為梢以沮榷為  
俎豆以憲為憶責即墳字態即懈字曩即曩字宥

即寂字

上全

右巴郡太守張君碑其前題巴郡太守都亭侯張府  
君功德叙云君諱納字子郎勃海南皮人也又云炎  
漢龍興留侯維幹枝裔滋布竝極爵秩又云察孝廉  
除郎中尚書侍郎遷甘陵寃句令親病去官辟司空

司徒府復辟太尉舉高第拜侍御史揚州寇賊陸  
梁作難五府表君中丞督捕又云丙子璽書封都亭  
侯碑無卒葬年月其後頗叙述政績而繫以銘詩蓋  
巴郡太守德政碑爾按漢史自安順以來揚州寇賊  
屢發不知張君為中丞督捕在何年也

金石錄

巴郡太守張納功德叙中平五年立在重慶府碑云  
張得姓應天文二十八舍張宿與柳敏碑所云柳宿  
之精議者以為不典其年月則見於碑陰

漢隸  
字原

張納碑陰

益州從事宕渠李元字次公行丞事從掾位江州然存  
字元文主簿江州白文主記掾閬中黃機錄事掾江州  
王翦上計掾安漢趙瓌曹掾宕渠李思議曹掾朐忍扶  
古議曹掾江州上官延議曹掾安漢陳阜議曹掾枳楊  
本文學主事掾任穆從掾位閬中嚴晏從掾位閬中楊  
虵從掾位宕渠馮譽從掾位宕渠李竝文學掾閬中周  
雍尉曹掾安漢口昕金曹掾宕渠口林漕曹掾安漢口

業法曹掾江州口洽集曹掾江州口立兵曹掾江州口  
岑比曹掾江州口盛功曹史宥渠口經詩事掾宥渠口  
訓文學掾江州口阿詩事掾充國口直詩事掾枳負口  
詩事掾枳張口詩事掾宥渠口敏詩事掾枳章口詩事  
掾安漢王業文學主事史閻中張榮奏曹史江州董國  
奏曹史宥渠沈玆戶曹史宥渠李舍戶曹史塾江龔祖  
戶曹充國李高戶令史塾江宋亶獻曹史宥渠威卒辭  
曹史江州毋龜辭曹史安漢陳依賤曹史充國肯遺賤



曹史江州然雄賊曹史平都張恃賊曹史宕渠曲肅右  
賊曹史枳牟梁決曹史宕渠王安右金曹史安漢范謀  
左金曹史宕渠王褒左倉曹史充國楊徐右倉曹史江  
州戶裴左漕曹史安漢曹已右漕曹史墊江田岵法曹  
史江州愠益右集曹史江州張南右兵曹史墊江夏晉  
比曹史充國何鐔中部督郵安漢陳肩南部督郵閬中  
王湯臨市掾閬中趙應領校安漢長江州上官旦中部  
案獄閬中張有府後督盜賊枳李街文學史江州鈔遷

守屬江州丁盛守屬江州謁恭守屬安漢郭興守屬充國誰將守屬宕渠李平守屬充國王可守屬安漢楊連守屬安漢邠升

中平五年三月上旬書君升台祚承天百福子孫千億右張納碑陰題名七十有四人從事及丞則書其字主簿以下掾史並書名蓋一郡之吏也主計掾錄事掾上計掾各一人文學主事掾史各一人從掾位四人文學掾二人史一人議曹掾五人法曹集曹比曹

史各一人金曹漕曹掾各一人左右史亦如之尉曹  
掾一人待事掾七人功曹獻曹決曹左倉曹右倉曹  
史各一人奏曹辭曹史各二人戶曹史三人戶令史  
一人賊曹史四人左賊曹史一人中部南部督郵各  
一人監市掾一人領校安漢長一人中部案獄一人  
府後督盜賊一人守屬八人其分職置吏如是其衆  
且詳也漢世郡縣吏開敏有材者上之人可以察舉  
達而為公卿無所礙故人知自愛重犯法今日唯以

鞭笞用事宜乎廉耻汨喪也隸釋

漢張納碑陰益州從事宥渠李元次公等七十四人

題名末行云中平五年三月上旬君升台祚承天百

福子孫千億云復齋碑錄

按功德叙蓋掾屬李元等所作而碑陰皆不以門生

故吏名第直書其職耳漢隸字原

郎中王君碑

右漢郎中王君碑文字磨滅不復成文而僅有存者

其名字官閥卒葬年月皆莫可考惟其碑首題云漢  
故郎中王君之銘知君為漢人姓王氏而官為郎中

爾蓋夫有形之物必有時而弊是以君子之道無弊  
而其垂世者與天地而無窮顏回高卧於陋巷而名  
與舜禹同榮是豈有託於物而後傳耶豈有為於事  
而後著耶故曰久而無弊者道隱而終顯者誠此君  
子之所貴也若漢王君者托有形之物欲垂無窮之

名及其弊也金石何異乎瓦礫

集古錄

右隸書不著書撰人名氏碑石剝缺其間可見者曰

季輔漢中太守之孫餘不可復讀而其額曰漢郎中

王君銘故知其姓氏官闕耳

集古錄目

光和元年正月

金石錄

郎中王政碑在濟州元嘉三年立字雖殘闕尚多可

讀者歐陽公云磨滅不復成文蓋察之不詳爾小歐

陽以為其字季輔趙氏以為光和元年立皆非也

隸續

漢中郎王政碑在任城縣墓前

天下碑錄

揚州刺史敬使君碑

右敬使君碑在河東平陽其額題云漢揚州刺史敬君之銘碑已殘缺其名字皆亡略可辨者嘗辟司隸從事又為治書侍御史寔後云年五十三光和四年閏月遭疾而卒其他不復可考按姓苑載風俗通有敬歆漢末為揚州刺史元和姓纂亦云歆平陽人而後周敬珍傳唐書宰相世系表歆皆作韶余後得後魏敬曦造像碑亦作韶乃知姓苑姓纂之謬又集古



錄此碑凡再出其一題敬仲碑云名字已磨滅獨首  
有敬仲字故寓其名爾疑其人姓田也其一題無名  
碑所載事皆同蓋歐陽公未嘗見額爾

金石錄

右漢敬仲碑其姓名字皆不可見惟其初有敬仲二  
字尚可識故以寓其名爾蓋疑其人姓田氏也大抵  
文字磨滅比其他漢碑尤甚字可識者頗多第不成  
文爾惟云州郡課最臨登大郡又云居喪致哀又云  
司隸從事治書侍御史又云光和四年閏月庚申此

句粗可讀耳其餘字畫僅完者以漢隸今為難得錄

之爾

集古錄

敬仲碑右隸書不著書撰人名氏碑石刻缺其人之  
名氏皆不可知而碑首有敬仲二字故以為名其間  
有云拜治書侍御史又曰光和四年卒其他不可詳

也

集古錄目

漢敬歆碑在正平縣北二十里墓側

天下碑錄

後漢無名碑 右漢無名碑文字磨滅其姓氏名字

皆不可見其僅可見者云州郡課最臨登大郡又云  
居喪致哀曾參閔損又曰辟司隸從事拜治書侍御  
史又曰奮乾剛之嚴威揚哮虎之武節又曰年六十  
三光和四年閏月庚申遭疾而卒其餘字畫尚完者  
多但不能成文爾夫好古之士所藏之物未必皆適  
世之用惟其埋沒零落之餘尤以為可惜此好古之  
僻也

集古錄

右隸書不著書撰人名氏漢司隸從事之碑以光和

四年立文字缺滅亡其姓名鄉里故謂之無名碑

集古

目錄

### 太尉郭禧碑

右太尉郭禧碑文字殘缺所存纔百許字其可見者公諱禧字君房而已禧郭躬從孫也其事迹附見躬傳云少明習家業兼好儒學有名譽延熹中為廷尉建寧二年代劉寵為太尉而靈帝紀亦云是年十一月禧為太尉章懷太子注云字公房扶溝人也郭氏

世為陽翟人自躬以下皆葬陽翟其墓尚存今此碑  
缺處猶有陳留扶溝字疑禧嘗寓居是邑及其卒也  
返葬故郡而漢書注遂以為扶溝人恐誤金石錄

太尉郭禧斷碑篆額所存其上一段字畫方勁前後  
數行僅有數十字可認其中彊半剝落篆額亦然首  
行却有郭君名字禧以靈帝建寧三年為太尉光和  
二年薨禧之子五原守奉柩歸葬舊鄉隸續

郭禧碑陰

右郭禧碑陰其首有四大字云故吏人名其下列故  
吏宓張立度成匡師張協子道維陽李蒼子孝故民  
河南陰德紀信以下凡百餘人又有右河南右河內  
郡右弘農郡右扶風字字畫完好者甚多筆法淳古

可愛

金石錄

郭禧後碑

右郭禧後碑殘缺尤甚其略可辨者云惟光和二年  
夏五月甲寅太中大夫故太尉郭公薨又云公之胤

子故五原太守餘不復成文而其額題漢故太尉郭  
公神道字畫尚完云後漢書列傳既不載禧所終而  
靈帝紀但云建寧三年四月太尉郭禧罷亦不言其  
何官今以碑考之乃知其罷為大中大夫而卒於光  
和二年也五原太守名鴻後為司隸校尉封成安鄉

侯金石錄

冀州從事郭君碑

右郭君碑名字已殘闕其額題曰冀州從事郭君之



碑碑云其先出高辛興自于周

關一字

蕃虞郭在河魏

之間遭晉荒疆乃喪厥土亦世孳孳職思其勲子孫  
纓布家于樂土因國為氏又云歷郡諸曹掾史主簿  
郵督郵五官掾功曹又云光和二年終三年十月葬

又云哀哀考妣追惟實靈卜商號咷喪子失明據此  
乃父母生而稱考妣也爾雅云父為考母為妣郭璞  
注引禮記生曰父母妻終曰考妣嬪今世學者從之  
而璞援據諸書以為非生死之異稱猶今謂兄為昂

妹為媼爾今此碑漢人所為已不用戴氏之說以此知璞為有據然禮經行于世久既有此論事親者所

當避也

金石錄

光祿勳劉曜碑

君諱曜字季尼蓋孝文枝胄梁孝河東之裔孫也祖

考山陽令顯考柏人令

闕

呂孝

闕

公府庶三縣令

闕

孝

闕

開陽長

闕

從事守長早終君天姿孝友

闕

拜樂

闕

長乞留宿衛除郎中謁者大官令喪母服闋復為

郎中朱爵司馬昆陽

闕

視事九年呂拘夾自

闕

無

游談之助遷居延都尉

闕

克嘉績特授議郎書

闕

字

用康機

闕字

河內太守

闕

震怖

闕

改心旬月之

闕弘

引字領

闕字

然高

闕字

沒齒母

闕

世以

闕字

大

闕字

教

闕字

遜位旋復

闕字

水校尉

闕

宗正衛尉光祿勳

闕字

未

闕字

基月

闕字

正忠

闕

衛

上暎然守節切書王府

闕字

皇極車七十三寢疾

闕字

字

七日庚午

闕

世

闕

沒

闕字

賻

闕

禮贈

畢備

闕

榮亡哀闕三 貴於是故吏賜安闕 令郭闕 門生昉

房 字 等闕 其徒闕 乃共立碑刊石闕四 其辭曰

天臨大漢錫以明詰定闕 君闕五 城統邦闕十

澄九列三履宗伯婚闕八 命傾歿勒勲金闕七 歎

呼哀哉 君諱闕六

右漢故光祿勳東平無鹽劉府君碑篆額在鄆州有  
陰劉君名曜漢之公族也歷郎中謁者大官令朱爵  
司馬居延都尉議郎河內太守長水校尉宗正衛尉

光祿勳七十三而卒故吏門生立此碑其石碎裂失其所終之年漢人銘墓以郡邑題其首者所見惟此

一碑

隸釋

碑以歷為歷基為碁

上全

右漢劉曜碑在今鄆州界中文字磨滅僅有存者云  
諱曜字季尼年七十三其餘爵里官闕卒葬歲月皆  
不可見字為漢隸亦不甚工惟其銘曰天臨大漢錫  
以明愆碑首題曰漢故光祿勳東平無鹽劉府君之

碑以此知為漢碑也

集古錄

右隸書不著書撰人名氏曜字季尼東平無鹽人仕至光祿勳碑缺不見其卒葬年月碑陰有門生故吏

名題及所出錢數在鄆州

集古錄目

右光祿勳劉曜碑集古錄云君諱曜字季尼年七十三其餘爵里官闕卒葬歲月皆不可見今此碑雖殘缺然尚有可考處蓋孝文之裔又嘗為太官令郎中居延都尉太宗正衛尉遂為光祿勳至於卒葬年

月則斷續不可考矣

金石錄

漢光祿勳劉曜碑并陰在鄆州項城縣

天下碑錄

劉曜字季尼此碑可識者餘不完難句讀碑首書曰

漢光祿勳東平無鹽劉府君余按劉氏本范氏後自

秦而反其故處者為劉氏則劉當為畱說文畱從卯

戶開為卯卯為春門戶闔為酉酉為秋門則畱自從

卯卯為酉之省文故知畱不從卯劉姓不從刀也當

漢季世緯書既出故言卯金刀者劉也後學者不復



考古妄意求之昔許慎以劉為鐺其轉而為劉者以田易為刀也然姓書周之大夫有食采於劉者此畿內地也因地以為氏則與漢姓異出但不知古文劉者其書與漢如何故凡漢姓自當為鐺或以為畱南朝有留異或以為出畱侯非也特漢姓不失其本者

如此

廣川書跋

南陽太守秦頡碑

上關 曹伯益

下關

佐禹成績

下關

曰

下關

以

下關

邦奕世

載德乃薦生君稟堅和之行秉賢明之闕施不求報

惠子闕然而質性剛毅温恭以將之勇闕以守貞闕

有全闕之事三司來上為會稽府丞闕三闕光闕和

三車拜闕宣威恩齊其教不易其俗闕交闕降

萬有闕人闕可闕久闕之後闕作闕子道焉

闕之方闕孝廉宛

闕子仁孝廉安眾闕孝廉安眾劉略子達孝廉安

眾闕孝廉安眾張儉子約孝廉章陵闕

六藝之一錄

孝廉新野陰剛子直孝廉犍

闕下

孝廉順陽郭儀

文卿孝廉葉虞

闕下

孝廉宛史琬子俊孝廉章

闕下

能茂升上計掾平氏朱諒季平上計掾

闕下

育子和上

計史宛卓韶

闕下

伯上計史宛

闕下

艾

闕下

上計

闕下

右漢故南陽太守秦君之碑篆額歐趙皆云文已磨

滅惟存其額十大篆予所得者猶有九十餘字其後

有孝廉十一人上計掾吏五人題名靈帝紀中平元

年三月南陽黃巾張曼成攻殺郡守褚貢六月南陽

太守秦頡擊曼成斬之三年二月江夏兵趙慈反殺  
南陽太守秦頡水經云宜城有南陽太守秦頡墓墓  
前有二碑頡都人也以江夏都尉為南陽守道過宜  
城見一家東向頡駐車視之曰此可作塚後頡卒於  
南陽喪還至此車不肯進故吏因市此宅葬之則知  
此為秦頡碑也其間有光和三年字蓋是述其前事  
天下碑錄云碑在宜城熹平年立非也隸釋  
夷水歷宜城縣大城中逕漢南陽太守秦頡墓北墓

前有二碑頡郡人也以江夏都尉出為南陽太守逕  
宜城中見一宅東向頡任車視之曰此居處可作冢  
後卒於南陽喪還至昔任車處車不肯進故吏為市  
此宅葬之孤墳尚整冢前有二碑

水經注

後漢秦君碑首 漢碑今存者少此篆亦與今文小  
異勢勁健可愛蔡君謨題 右漢熹平中碑在南陽  
界中字已磨滅不可識獨其碑首字大僅存具筆畫  
頗奇偉蔡君謨甚愛之此君謨過南都所題也乃皇

祐三年今一紀矣

集古錄

題云漢故南陽太守秦君之碑秦君不知為何人不著書人名氏其碑皆漫滅不可讀獨此篆完曰漢故

南陽太守秦君之碑在南陽縣

集古錄目

右漢南陽太守秦君碑額文字已磨滅惟其額十大

字尚完好故名字歲月皆莫可考按後漢書靈帝紀

中平三年二月江夏兵趙慈反殺南陽太守秦頡或

云此即頡碑也然鄴道元水經注載頡墓與碑皆在

宜城此碑乃在南陽或是郡人所立德政頌耳金石錄

漢南陽太守秦君碑在宜城縣熹平年立惟碑首篆

字全又云漢南陽太守秦君碑在鄧州南陽縣字滅

惟碑首存天下碑錄

南陽太守秦頡碑中平二年立在襄陽府宜城縣故

牆篆額漢故南陽太守秦君之碑漢隸字原

金廣延母徐氏紀產碑

光和元年五月中回金廣延母自傷紀考紀徐氏元初



產永壽元丰出門託軀金掾季本供下闕不並立朝為

縣端首子男恭下闕字子肅年十八下闕叔從孫即廣延

立以為後年十八娶婦徐氏弱冠任下闕終歿五内催

碎又少入金氏門承清淪之後些訾業下闕步也一

下闕地耕殖陝少下闕脩產業夫婦勤苦積入成家彊下闕

止足不下闕萬季本平生素以奴婢田地分與季

子雖直各有企域下闕三下闕蓄積消滅責負叅亡下闕

立依附宗家得以蕪下闕及歸故主三分屋一才

得廿一萬六百供竟

闕下

故文進升地一町直五萬五

千家乃墮收責地

闕下

雖直徑管耕駿勞來以

闕下

國

故子耕地一町直

闕下

令能肯不

闕下

又所將

闕下

及所如後可服事勤

闕下

子孫以其不祭祀替之不

拘持入門勤苦五十

闕下

二萬四千其婦共衣食去

笛之後悉以歸雖直大婦

闕下

卅八萬小婦慈仁供養周

厚奉順煖不離左右自

闕下

曰戀衛夫人之去婦

之孤無所歸輒為姪

闕下

之切

闕下

不

闕下

右金廣延母徐氏紀產碑今在雲安其辭云光和元  
年五月中旬金廣延母自傷紀考妣徐氏元初產永  
壽元年出門託軀金掾季本自此之後其石半滅所  
存者其下段爾徐氏歸于季本有男曰恭字子肅早  
終故立從孫廣延為後廣延弱冠而仕又復不祿碑  
云廣延年十八娶婦徐氏子肅亦有年十八字而闕  
其下文當亦是載其昏聘子肅殘碑亦有妻字可  
證徐氏自言少入金氏門夫婦勤苦積入成家又

云季本平生以奴婢田地分與季子雍直各有坵域  
繼云蓄積消滅債負奔亡依附宗家得以蘇則雍直  
似是季本庶孽不肖子分以訾產居之于外者徐氏  
老而廣延死故又析其財有雍直徑管及悉以歸雍  
直之文慮雍直為嫂姪之害也故刊刻此石其云大  
婦小婦則子肅廣延之妻也碑稱小婦慈仁供養奉  
順不離左右則廣延夫婦俱孝其云五內摧碎則可  
見子孝而母慈也廣延雖非嫡長而事親久即世新

故徐氏舍子肅而稱廣延母也此碑字子肅之上有  
兩字不甚明上一字髣髴是恭其下頗類成字但漢  
人無二名而金恭有墓闕及殘碑皆云恭字子肅可  
以證李本之子字子肅者即金恭也但恭之下多一

字所不可曉

隸釋

碑以考紕為考妣弱冠為弱冠清淪為清儉催碎  
為摧碎陝少為狹少秉即奔字𠄎即𠄎字

全上

金君

闕二字

碑

生諱恭字子肅年廿二東循聰闕三年六月十一日侵疾

絕命身闕三妻闕往闕四溺救闕五武闕嘉闕人闕四

字幸方弱冠闕三攻闕何不闕三夙茂闕九道而闕六

成家闕二姑闕二之道闕六粉闕二心闕意薦求闕不

改其樂闕率闕六松闕三不矜闕五為其宅地

右金恭碑其石剝缺殘章少有可句者金掾季本即其父也二弟曰廣延曰雍直其母徐氏有紀訾產碑

釋隸

處士金恭

闕

處士金恭字子

下闕  
一字

右處士金恭闕下一字惟存一筆似墓碣及金廣延  
毋碑叅之知其字子肅也此石圭首甚銳其上刻三  
足烏其次橫列此數字其下有一人執扇而乘馬兩  
旁有螭銜環近歲出於雲安軍土中

隸  
釋

太尉許馘廟碑

義興有漢太尉許馘廟碑即許劭所立字久磨



滅開元中許氏諸孫再刻之十國春秋

許氏先君祖誄碑

許氏先君祖誄碑隸額六字作一行下並無一字存

在宜興復齋碑錄

許司農夫人劉氏碑

司農夫人碑漢太尉許儼之室也首行有標題之文

石已剝所存數十百字其漫患者強半惟次行獨

全故知其姓劉氏而為山陰之人其辭惟數句可讀

如云體性純淑非禮不行及孫息盈房而已其云德配士列任似者以似為妣也字畫多雜篆體所書以字全類孔宙碑其他偏旁多與故民吳公碑中山相薛君題額相類應劭漢官儀所載三公孝靈時有吳郡陽羨許臧李軼漢紀光和四年臧以衛尉代劉寬為太尉今許氏兩墓皆在宜興而此碑猶在夫人冢傍吳處厚青箱雜記云義興有許臧廟其碑許劭所作唐開元中諸孫重刻碑陰有八字云談馬孺畢王

田數七徐休讀之曰談馬即言午言午許字孺畢  
必石卑石卑碑字王田乃千里千里重字數七是六  
一六一立字今其殘碑繞有數十字其間載許君自  
司農遷衛尉此文稱劉氏為司農夫人則銘墓時許  
猶未為衛尉也其碑在光和之前無疑臨川王厚之  
云其友陽羨郗偉嘗泛舟過許氏叢冢見水濱一石  
舉而察之則許君殘碑也郗遂載以歸厚之字順伯  
樂古多聞山陰石臺卿亦佳士相與搜奇抉怪埤助

此書為多隸續

司農劉夫人碑漢太尉許馘之室也碑之立在光

之前

漢隸  
字原

漢都鄉孝子嚴舉碑

都鄉孝子嚴舉碑崇七尺其二分之下橫有裂文近  
歲出梁山軍所傳者皆至裂文止石理皴剝文意間  
斷不知其尚有關遺也予再得之始是全碑嚴舉姓  
名甚分明其碑有文有頌又有辭曰十六句蓋嚴舉

之父仕至邵守三女無男以舉為後舉能和顏奉親  
送終盡孝母氏年老事繼若真德刑州里官表門閭

弟子某為立碑又有數行載邑官甄表之因頗稱其

服制踰禮延熹之七年也

續錄

碑陰

碑云丞廣漢屬國王杜字文柜右尉捷為南安周位

字惠照三十六人題名多稱弟子者

復齋碑錄

六藝之一錄卷四十九